

永樂大典

卷〇二九九九 人字

卷〇三〇〇〇 人字

卷〇三〇〇一 人字

永樂大典卷之二千九百九十九

九真

人

舞智御人

漢書張湯與趙禹共定律令務在深文拘定職常侍而禹至少府湯為廷尉兩人交驩如兄弟禹志在奉

公孤立湯舞智以御人

趙禹絕人

甕牖閑評前漢趙禹傳云公卿相造請禹終不行報謝務在絕知友賓客之請

其意蓋為禹凡有造請者禹不報謝務在絕人故也顏師古却於不行字下注斷報謝乃屬下文又注云以此意告報公卿

才武

絕人

續後漢書曹操傳操嘗私入中常侍張讓室讓覺之操舞手戟于庭踰垣而出才武絕人莫之能害

勇力

絕人

續後漢書毋丘儉傳儉與文欽起兵攻司馬師遣健步齎書至兗州刺史鄧艾斬之將禹餘人兼道前進先趨樂嘉城作浮橋

以待師儉使文欽將兵襲之師自汝陽潛兵就艾於樂嘉欽猝見大軍驚愕未知所為欽子鰲年十八勇力絕人謂欽曰及其未定擊之可破也於

是分爲二隊。夜夾攻。奮率壯士先至。鼓譟。軍中震擾。師驚駭。所病目突出。恐衆知之。齧彼皆破。欽失期不應。會明。奮見兵盛。乃引還師。謂諸將曰。賊走矣。可追之。諸將曰。欽父子驍勇。未有所屈。何苦而走。師曰。夫一鼓作氣。再而衰。奮鼓譟失應。其勢已屈。不待何待。欽將引而東。奮曰。不先折其勢。不得去也。乃與驍騎十餘。摧鋒陷陣。所向皆披靡。遂引去。師使左長史司馬班率驍騎八千翼而追之。奮以匹馬入數千騎中。輒殺傷百餘人。乃出。如此者六七。追騎莫敢逼。晉書王濟傳。濟字武子。少有逸才。風姿英爽。氣蓋一時。好弓馬。勇力絕人。舊唐書廬江王瑗傳。武德元年。瑗歷信州總管。封廬江王。朝廷以瑗儒懷。非邊將才。遣右領軍將軍王君廓助典兵事。君廓故嘗爲盜。勇力絕人。瑗倚仗之。許結婚姻。以布心腹。言行龜鑑。李諫。諱有將劉進。勇力絕人。數以少擊衆。并人患之。乃以蠟丸封書。譏進。陽遣其兄。晉帥趙贇得之以聞。太祖即詔諫。溥械送闕下。諫溥曰。此反間也。願以閩門保之。太祖得奏。遽釋進。厚賜金帛遣之。

膂力絕人

續後漢書周魴傳。魴子處。膂力絕人。好馳騁田獵。任俠恣

肆。爲鄉曲患。隋書魚俱羅。身長八尺。膂力絕人。新唐書杜伏威傳。王雄誕曹州濟陰人。少彊果。膂力絕人。伏威之起。用其計戰多克。署驃騎

將軍

弓馬絕人

北史崔彭仕周為驃騎將軍。上謂之曰。卿弓馬固已絕人。

武力絕人

資治通鑑唐高宗咸亨四年。大將軍李謹行。韃人突地稽之子也。武力絕人。為衆夷所憚。

敏悟絕人

新唐書歐陽詢傳。詢父以罪死。詢當從坐。匿而免。江總以故人子私養之。貌寢俊。敏悞絕人。總教以書記。每讀輒數行同盡。遂博貫經史。仕隋為太常博士。

白居易傳。居易字樂天。其先蓋太原人。北齊五兵尚書建有功于時。賜田韓城。子孫家焉。又徙下邳。父季庚為彭城令。居易敏悟絕人。工文章。未冠謁顧況。況吳人。侍才少所推可。見其文自失曰。吾謂斯文遂絕。今復得子矣。貞元中擢進士。拔萃皆中。補校書郎。元和元年對策策乙等。調盩厔尉。

為集賢校理。月中召入翰林為學士。遷左拾遺。

才藻絕人

太平廣記李太白論詩云。梁陳已來。艷薄斯極。沈休文又

尚以聲律將復古道。非我而誰。玄宗聞之。召入翰林。以其才藻絕人。氣識兼茂。

武藝絕人

宋史董遵誨太祖時為通

遠軍使。遵誨不知書。豁達無崖岸。多方略。能挽強命中。武藝皆絕人。在通遠軍凡十四年。安撫一面。夏人悅服。畢再遇。武藝絕人。挽弓至二石七

斗。背挽一石八斗。步射二石。馬射一石五斗。孝宗召見大悅。賜戰袍金錢。

識慮絕人

宋名臣言行錄。富鄭公居洛。蔡

第與康節隱居相通。公一日有憂色。康節問之。公曰。先生度弼之憂安在。康節曰。豈以王安石罷相。呂惠卿參知政事。惠卿凶暴過安石乎。公曰。然。康節曰。公無憂安石惠卿。本以勢利合。惠卿安石勢利相敵。將自為仇矣。不暇害他人也。未幾。惠卿果叛安石。公語康節曰。先生識慮絕人遠矣。

聰敏絕人

宋史。蔡崇禮傳。崇禮妙齡秀發。聰敏絕人。高宗時為翰林學士。

力能絕人

宋史列傳。楊存中。代州崞縣人。魁梧沈鷺。少警敏。誦書數百言。力能絕人。慨然語人曰。大丈夫當以武功取富貴。焉用俯首為腐儒哉。於是學孫吳法。善騎射。

拳力絕人

宋史。趙葵傳。時與討李全加。葵直寶章閣。淮東提點刑獄。兼知滁州。趙范刻日與葵約。葵帥雄

勝寧淮。武定彊勇。步騎萬四千。命王鑑。扈斌。胡顯等將之。以葵兼參議官。顯。穎之兄也。拳力絕人。

鷺勇絕人

宋史

列傳。韓世忠。風骨偉岸。目瞬如電。早年鷺勇絕人。能騎生馬駒。

聰明絕人

內翰談苑院思道。子昌齡。長不滿三尺。醜

陋吃訥。其聰明絕人。善屬文。年十七。入海州試。海不揚波賦。即席一筆而成。文不加點。其警句云。收碣石之宿露。欽蒼梧之夕雲。又云。三山神闕湛清影。以遙連。八月靈槎。泛寒光而靜去。全篇皆類此。人多誦誦。真奇才也。

多藝絕人

三槐王氏雜錄。崇寧中。因語上。

仁厚之德。聰明多藝。絕人遠甚。呂吉父曰。大抵人君來處別。不可以世人語也。余深然之。

警悟絕人

宋朱晦庵大全

集李公墓碣。公生有奇質。警悟絕人。年十二三時。賦盆池詩。有疑與月相吞之句。

英識絕人

宋楊誠齋集。答雷運。

使啓恭惟都運。煒章吏部。一世儒先之冠。四朝俊彥之宗。英識絕人。不待三十里。辨外孫之字。名章傳後。咸曰。二百年無吏部之文。

才

器絕人

宋王與鈞藍縷箋。賀鄭守啓。才器絕人。解十二牛。而不頓。襟懷容物。吞八九。夢以有餘。

人君

養人

資治通鑑。唐高宗顯慶元年。夏四月己未。上謂侍臣曰。朕思養人之道。未得其要。公等爲朕陳之。來濟對曰。昔齊桓公出遊。見

老而飢寒者。命賜之食。老人曰。願賜一國之飢者。賜之衣。曰。願賜一國之寒者。公曰。寡人之廩府。安足以周一國之飢寒。老人曰。君不奪農時。則國

人皆有餘食矣。不奪蠶要。則國人皆有餘衣矣。故人君之養人。在省其征役而已。今山東役丁。歲別數萬。役之則人大勞。取傭則人大費。臣願陛下量公家所須外。餘悉免之。上從之。

困身養人

張行成述衍十三卷。困井共一卦。當十七與十八四九之數。陰陽各

分十八。交而為用。則虛一相遜。故體數十。用數十。以事理言之。則困身以養人也。

匈奴厭人

容齋隨筆漢宣

帝黃龍元年。正月。匈奴單于來朝。二月。歸國。十二月。帝崩。元帝竟寧元年。正月。又來朝。五月。帝崩。故哀帝時。單于願朝。時帝被疾。或言匈奴從上游厭人。自黃龍竟寧時。中國輒有大故。上由是難之。既不許矣。俄以揚雄之言復許之。然元壽二年。正月。單于朝。六月。帝崩。事之偶然。符合有如此者。

以色列事人

西漢書。夫以色列事人者。色衰而愛弛。愛弛則恩絕。詳見李夫人下。

委質事

人

南史。宋沈攸之傳。攸之初至郢州。有順流之志。府主薄宗儼之勸攻郢城。功曹臧寅以為攻守勢異。非旬日所拔。攸之不從。既敗。諸將帥

皆奔散。或呼寅俱亡。寅曰。我委質事人。豈可幸成而責其敗。乃投水死。

直道事人

論語。柳下惠為士師。三黜。人曰。

子未可以去乎。曰。直道而事人。焉往而不三黜。北史慈明傳。隋開皇十三年。以尚書兵部郎攝江都郡丞事。李密之逼東都。詔慈明追兵擊密。為密黨崔樞所執。密延與坐。論以舉兵之意。慈明曰。慈明直道事人。有死而已。不義之言。非所敢對。 **枉道事人** 論語 柳下

惠為士師。三黜。人曰。子未可以去乎。曰。直道而事人。焉往而不三黜。枉道而事人。何必去父母之邦。 **以諂事人**

資治通鑑。後唐明宗紀。長興二年。初。鳳翔節度使朱弘昭。諂事安重誨。連得大鎮。重誨過鳳翔。弘昭迎拜馬首。館於府舍。延入寢室。妻子羅拜。奉進

酒食。禮甚謹。 **賈瓊問事人** 文中子中說。賈瓊為吏。事于楚公。將行。子餞之。瓊曰。願聞事人之道。子曰。遠而無介。就而

無諂。况乎利而諷之。無命闕其捷。瓊曰。願終身誦之。子曰。終身行之可也。 **內恕及人** 漢書鼂錯傳。錯對賢良策曰。取

人以己。內恕及人。 注。師古曰。以己之心。揆之於人也。 **恕己及人** 抱朴子內篇微旨卷。恕己及人。仁逮昆蟲。 **陰**

德及人 仙傳。陶弘景。膽恤貧寒。拯救危急。救療疾恙。朝夕無倦。其有陰德密惠。人莫能知之。 **鼓下戮**

人西漢傳聞岑彭傳。光武收韓歆置鼓下。將斬之。注云。中將軍最尊。自執旗鼓。若置營。則立旗以爲軍門。并設鼓。殺。人必於其下。面

折人別釋常談漢汲黯。爲人性倨。少禮。面折不能容人之過。善媿人漢萬龔遂傳。郎中令。善媿人。師古曰。

媿辱也。贖人淮南鴻烈解齊俗訓。子貢贖人。而不受金於府。孔子曰。魯國不復贖人矣。子路受而勸德。子貢讓而止善。孔子之明。

以小知大。以近知遠。通於論者也。曾健類說魯法。贖人臣妾于諸侯者。皆取金於府。子貢贖之。辭不取金。子曰。賜失之矣。聖人舉事。非獨適身之行。

也。今魯國富者寡。而貧者衆。贖人受金。則爲不廉。則何以相贖乎。自今以後。魯人不復贖人於諸侯。隋書龐晃傳。晃遷驃騎將軍。襲爵北陽侯。衛王

直出鎮襄州。是以本官從。尋與長湖公元定。擊江南。孤軍深入。遂沒於陣數年。衛王直遣是弟車騎將軍元祐。齎絹八百匹贖焉。乃得歸朝拜上儀

同。賜絲二百段。復事衛王。資治通鑑唐太宗貞觀五年。隋末中國人多沒於突厥。及突厥降。上遣使以金帛贖之。五月乙丑。有司奏。凡得男女八萬口。

筭人東漢書皇后紀序。漢法常因八月筭人。注。漢儀注曰。八月。初爲筭賦。按曰。筭人。利溺人淮南鴻烈

解說林訓待利而後拯溺人亦必以
利溺人矣。利溺人者利人之溺得其利也。

嬉戲害人

淮南鴻烈解秦族訓人莫不知學之

有益於己也。然而不能者嬉戲害人也。

苛刻害人

舊唐書食貨志楊崇禮為太府卿清嚴喜剝分寸錙銖躬親

不厭轉輸納各折估清損必命徵送天下州縣徵財帛四時不止及老病致估以其子慎矜為御史專知太府出納其弟慎名又專知京倉皆以苛

刻害人。承主思而徵責。

利己害人

黃光大積善錄先利人而後利己者君子之用心。知利己而不知利人常人之

用心。至於害人以利己者小人之用心也。蓋小人之心云為動作未嘗不切切於利己。利己之心既甚重則不顧他人之安危憂樂凡可取可奪以

利己者無不取奪。往往奪人之食而食之。不恤人之飢。奪人之衣而衣之。不恤人之寒。去如是者非利己也。乃所以自害也。損德莫大於此。未見其

有終吉者。予故曰利己以害人者小人之用心也。記纂淵海利己害人經季武子成寢杜氏之葬在西階之下。夫人冢墓以為宅。子以鄰國為壑。

孟告子。史毀人以自成。左傳集法吏多少年磨淬出角圭。將舉汝愆尤以為己階梯。韓文

以財聚人

東漢書蔡邕傳

聖人之大寶曰位。故以仁守位。以財聚人。

寧我負人

三國志曹操避董卓之難。間行東歸。過故人呂伯奢。伯奢出五

子。備賓主禮。操聞食器聲。以為圖已。手劍殺八人而去。既而懷愴曰。寧我負人。無人負我。資治通鑑唐僖宗光啓二年。呂用之建牙開幕。一與高駢同。凡駢之腹心。皆逼以從已。諸所施為。不復咨稟。駢頗疑之。陰欲奪其權。而根蒂已固。無如之何。用之知之甚懼。訪於其黨鄭杞。盧瑾曰。此固晚矣。用之問策安出。杞曰。曹孟德有言。寧我負人。無人負我。注。蓋勸用之圖駢。明日與瑾共為一書。緘授用之。其語秘。人莫有知者。

無我

負人

猗覺寮雜記。寧我負人。無人負我。此曹操由中之言也。沮渠羅仇。盧水胡人也。與其兄麴粥事呂光。光征河南大敗。麴粥勸羅

仇反攻之。仇曰。理如汝言。但吾家累世忠孝。寧人負我。無我負人。遂為光所殺。羅仇之言。可謂君子。卒不免死。世之小人。益以操言為信。能改齋漫

錄。榮陽呂原明。中年嘗書壁以自警曰。寧人負我。無我負人。

我不負人

資治通鑑。後唐明宗紀。長興元年。董璋之

子光業。為宮苑使。在洛陽。璋與書曰。朝廷割吾支郡為節鎮。屯兵三千。是殺我必矣。汝見樞要為吾言。如朝廷更發一騎入斜谷。吾必反。與汝訣矣。

光業以書示樞密承旨李虔徽。未幾朝廷又遣別將荀咸義將兵戍閬州。光業謂虔徽曰。此兵未至。吾父必反。吾不敢自愛。恐煩朝廷調發。願止此兵。吾父保無他。虔徽以告安重誨。重誨不從。璋聞之。遂反。利閬遂三鎮。以聞。且言已聚兵將攻三鎮。重誨曰。臣久知其如此。陛下含容不討耳。帝曰。我不負人。人負我。則討之。

朝家負人

五代史劉巨容大敗黃巢。諸將欲追斬之。巨容曰。朝家多負人。有危難不愛惜

軍事。平則忘之。不如從黃巢。為富貴作地。故巢復熾。

度量過人

抱朴子逸民篇。謂高祖宜其以布衣而君四海。其度

量蓋有過人者矣。

膂力過人

東漢書董卓傳。卓性麤猛。有謀。少嘗遊羌中。盡與豪帥相結。後歸耕。豪帥有來從者。

卓為殺耕牛共宴樂。豪帥感其意。相飲雜畜千餘頭以遺之。由是健俠知名。為州兵馬守塞下。卓膂力過人。雙帶兩鞬。左右馳射。為羌胡所畏。北史

列傳。傅永子傅叔偉。膂力過人。彎弓三百斤。左右馳射。能立馬上與人角。騁見者以為得父傳永之武。而不得永之文。隋書李景傳。景容貌奇偉。膂

力過人。美鬚髯。驍勇善射。

氣力過人

續後漢書劉封傳。封本羅侯寇氏子。長沙劉氏甥也。昭烈至荊州。未有繼嗣。養

封爲子。及昭烈攻劉璋。時年二十餘。有武藝。氣力過人。將兵與諸葛亮張飛等。沂流西上。所在戰克。益州既定。以封爲副軍中郎將。聰

思過人

魏志杜夔字公良。河南人也。魏太祖以夔爲軍謀祭酒。參大樂事。因令創制雅樂。夔善鐘律。聰思過人。絲竹八音。靡

所不能。惟歌

天才過人

晉書潘京傳京漢壽人也。舉秀才到洛。尚書令樂廣。京州人也。共談累日。深歎

舞非其所長。

其才。謂京曰。君天才過人。恨不學耳。若學

必爲一代談宗。京感其言。遂勤學不倦。

學行過人

晉書孫登傳濟陽江

惇少有高操。聞教學行過人。自東陽往候之。始面。便終日譚宴。結歡而別。

才能過人

晉書陶侃傳。尚書梅陶與親人

曹識書曰。陶公機神明鑒似魏武。忠順勤勞似孔明。陸抗諸人。不能及也。

號慕過人

南史齊始興簡王鑑傳。鑑性聰

警。年八歲。喪所生母。號慕過人。數日中。便至骨立。豫章文獻王聞之。撫其首。嗚咽。謂高帝曰。此兒操行異人。恐其不濟。高帝亦悲不自勝。毀

瘠過人

南史梁到溉傳。既遭母憂。居喪盡禮。所處廬開方四尺。毀瘠過人。服闋。猶蔬食布衣者累載。

耿介

過人

世說新語孫休好射雉。至其時則晨去夕反。羣臣莫不止諫。此為小物。何足甚哉。休曰。雖為小物。朕介過人。朕所以好之。

默識過人

北史齊本紀顯祖幼時。師事范盧景裕。然識過人。未嘗有所自明。景明不能測也。

識畧

過人

新唐書封倫傳。倫字德彝。以字顯。觀州脩人。祖隆。北齊太子太保。倫年方少。舅盧思道曰。是兒識畧過人。當自致卿相。隋開皇

末。江南亂。內史令楊素討之。署倫行軍記室。泊海上。素召計事。倫墜水免。易衣以見。訖不言。久乃素知。問故。謝曰。私事也。所不敢白。素異其為。以從妹妻之。素營仁壽宮。表為土工。監規構鴻侈。宮成。文帝怒曰。素殫百姓力。為吾招怨天下。素大懼。倫曰。毋恐。皇后至。自當免。明日帝果勞素曰。公知吾夫婦老。無以自娛樂。而盛飾此宮邪。因大悅。素退。問何料而知。倫曰。上節儉。故始見必怒。然雅聽后言。后婦人。惟侈麗是好。后悅則帝安矣。素曰。吾不及也。素負才勢。多所凌藉。惟於倫降禮賞接。或與論天下事。袞袞不勑。每撫其牀曰。封郎終當據此薦之。帝擢內史舍人。

智筭

過人

舊唐書玄宗楊貴妃傳。妃資質豐豔。善歌舞。通音律。智筭過人。每倩盼承迎。動移上意。宮中呼為娘子。禮數實同皇后。

推誠過人

圖經張伯儀魏州人。以戰功隸李光弼軍。浙賊袁晁反。使伯儀討平之。功第一。擢睦州刺史。後為江陵節

度使。雖不知書。然推誠過人。軍中畏肅。民亦便之。

聰明過人

曾慥類說韓十八愈。自是太輕薄。謂李程曰。某與在

大丞相羣同年往還。直是聰明過人。李曰。何處過人。韓曰。與愈往還三十餘年。不曾共愈說著文章。此是過人也。

俊逸過

人

宋史太宗謂蘇易簡曰。朕恨不與李白同時。易簡曰。有錢易者。俊逸過人。為文學。數百言頃刻而就。真李白才也。

先識

過人

江少虞類苑李文靖公沆為相。王魏公旦方參預政事。西北隅尚用兵。或至肝食。魏公嘆曰。我輩安能坐致太平。得優游無事

耶。文靖曰。少有憂勤。足為警戒。他日四方寧謐。朝廷未必無事。其後比狄講和。西戎納款。而封禪祠汾。蒐講墜典。靡有暇日。魏公始嘆文靖之先識

過人

德量過人

遺事韓琦公判相州。因祀宣尼省宿。有偷兒入室。挺刃曰。不能自濟。求濟於公。公曰。几上器具

可直千百。盡以與汝。偷兒曰。願得公首以獻西人。公即引頸。偷兒稽顙曰。以公德量過人。故來相試。几上之物。已荷公賜。願無泄也。公曰諾。終不以

告人。其後為盜者。以他事坐罪。當死於市。備言其事。曰。慮吾死後。惜公之遺德。不傳於世也。

敏學過人

宋史司馬

光傳。光子康。字公休。幼端謹。不妄言笑。事父母至孝。敏學過人。博通群書。以明經上第。光脩資治通鑑。奏檢閱文字。

朴忠過

人

宋史秦檜傳。建炎四年十月甲辰。檜與妻王氏。及婢僕一家自軍中還。言殺金人監已者數人。朝士多不信。惟范宗君李回與檜善。力薦

其忠。檜首奏。與撻懶求和書。帝曰。檜朴忠過人。朕得之喜而不寐。

聰發過人

宋史邵亢傳。亢聰發過人。方十歲。日

誦書五千言。賦詩豪縱。鄉先生見者。皆驚偉之。

才具過人

武林紀事。尚書張定叟。才具過人。凡兩尹京政事。大小莫

不曲盡人情。

一節過人

黃氏曰。抄陸象山文集。平生有一節過人。他人要會某不會。他人要做某不做。愚觀以士

所記。皆自信甚篤。獨立不懼之言。可以作人懦氣。然以聖人自處。則未知果如何。陸象山之言。學陳同甫之言。治皆欲等天立地。做一箇人。他非所

恤。亦可謂豪也已。

精敏過人

元王惲秋澗集。趙公神道碑。公氣貌魁偉。精敏過人。挺身正路。動以檢押自律。與人

交雖小

信不惑。聰悟過人

仙傳陳搏聰悟過人。經史一覽無遺。詩禮書數。方藥之書。莫不通究。

英雄

忌人

續談助孫策年十四在壽陽。詣袁術。始至而劉豫州到。便求去。袁曰。豫州何關君答曰。不爾。英雄忌人。即出下東階。而劉備從

西階上。但轉顧視孫之行。殆不復前。

膽氣倍人

續後漢書周泰傳。孫策討六縣山賊。權住宣城。使士自衛。不能千人。

意尚忽畧。不治圖落。而山賊數千人卒至。權始得上馬。而賊鋒刃已交於左右。或斫中馬索。衆莫能自定。惟泰奮激投身衛權。膽氣倍人。左右因泰就戰。賊乃解散。身被十二創。良久乃蘇。是日無泰。權幾危殆。策深德之。補春穀長。

出糧活人

續後漢書蓋勲傳勲

領漢陽太守。時人飢。相漁食。勲調谷廩之。先出家糧以率衆。存活者千餘人。後去官。拜征虜校尉。

散粟活人

唐舊

書李臯爲温州長史。無幾攝行州事。歲歉。有官粟數十萬斛。臯欲行賑。掾吏乞候上旨。臯曰。夫人日不再食。當死。安暇稟君命。若殺我一身。活人數千命。利莫大焉。於是開倉屋散之。以擅貸之罪。飛章自劾。

監決活人

新唐書宇文融傳融于審揚國忠顯政殺